

INUIT ATAQATIGIIT

INATSISARTUNI



Tasiilaq, 16. februar 2015

Inatsisartut Suleriaasianni § 37 naapertorlugu Naalackersuisunut imaattunik apeqquteqarpunga.

Apeqquut:

- 1. Naalackersuisut Tunumi qilalukkanik kisitsinissaq pilersaarutigaa?**
- 2. Imaluunniit Naalackersuisut qilalugartassanik amerliliissamaarpat?**
(Inatsisartuni ilaasortaq Iddimanggiu Bianco, Inuit Ataqatigiit)

Tunggavilersuut:

Kiisami ukioq manna 2015 Tunumi nannunik kisitsinissaq piviusunnngortinneqalerpoq, tamanna Tunumiunut annertuumik nuannaarutaassaaq. Taamatullu Tunumiunut tamanut minnerunngitsumik piniartunut pingaaruteqarpoq qilalukkanik Tunumi kisitsisoqarnissaa. Tunup sineriarujussuani illoqarfiit imminnut ungasittorujussuit marluinnaapput, ukiullu ilaani qaammatini ikittuinnarni qilalugarniartoqarsinnaalluni. Qularutissaanngilaq sineriarujussuaq ukioq kaajallallugu tikinneqarneq ajortoq qilalugarpassuaqassasoq, taamaakkaluartoq illoqarfinni marluusuni Ittoqqortoormiuni Tasiilamilu ukiumut pisassat amerlagisas-saannngillat.

Pisasseeqqissinnaanissamut tunggatillugu pingaartut oqaatigisariaqarsoraara, Ittoqqortoormiuni 500 miss. inulimmi ukiumut qilalugartassat 70-iummata, illuani tasiilami tallimanik nunaqarfilimmi ukiumut qilalugartassat 18-iinnaallutik. Tasiilami eqqaanilu piniartut Ittoqqortoormiunut sanilliullugit amerlanerupput taammattorli qilalugartassiissutit ikinneralaarsuullutik. Taamaattumik piffinni taakkunani qilalukkanik amerlassutsimikkut pisassiisarneq isumaqarpunga kukkunerusoq annertoq. Erseqqissaatigilara Ittoqqortoormiini pisassiissutit amerlassusaat isornartorsiunnginnakku, kukkunerusorigakkuli piniartoqarfimmi anginerusumi pisassiissutit sisamariaatingajammik ikinnerunerat.

Tasiilami eqqaanilu qilalugarniarfivittut piffissaq qaammatip missaannaaniimmat, tassa juli qeqqata missaaniit augustip aallartinnera tikillugu avannatsinnukarluni taamaallaat qilalugarniartoqartarmat. Tasiilami eqqaanilu pisaasartut ingerlaarlutik nalliuttuniit taamaallaat pisaasartut.

Naggataatigut oqaatigilara, ukiut kingulliit qilalugarpassuaqaleriartoneera aamma Tasiilami eqqaanilu piniartut pinaluttartullu malugigamikku. Pisassalli taamak ikitsigitillugit qilalukkanik aningaasarsiornikkut iluaqutissatsiarsuugaluani isiginnaaginnarneq pisalernikuuvoq.